

ხელშეკრულება სახელმწიფო შესყიდვის შესახებ N ____

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში

ქ. თბილისი

_____ 2019 წ.

1. ხელშეკრულების დამდები მხარეები და შესყიდვის ობიექტი

ერთის მხრივ, სსიპ „ვასო აბაშიძის სახელობის მუსიკალური კომედიისა და დრამის პროფესიული სახელმწიფო თეატრი“ (იურიდიული მის: ქ. თბილისი, დავით აღმაშენებლის გამზირი N127), წარმოდგენილი მისი დირექტორის მოვალეობის შემსრულებლის დავით დოიაშვილის სახით (შემდგომში „შემსყიდველი“), და მეორეს მხრივ, _____ (იურიდიული მის: _____) წარმოდგენილი მისი დირექტორის _____ სახით (შემდგომში „მიმწოდებელი“), ვდებთ ხელშეკრულებას შემდეგზე:

2. ტერმინთა განმარტებები

2.1. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას, რომელიც ახორციელებს შესყიდვას;

2.2. „მიმწოდებელი“ ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ ტენდერში (_____)

2.3. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 2.2 პუნქტში მითითებული ტენდერისათვის წარმოდგენილი ყველა დოკუმენტით, კერძოდ:

2.3.1. დიზაინ-პროექტი

2.3.2. ხარჯთაღრიცხვა (დანართი №1).

2.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

2.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

3. ხელშეკრულების საგანი და ღირებულება

3.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს თეატრის სატრანსფორმატორო ქვესადგურის მოწყობის სამუშაოები (შემდგომში „სამუშაო“) ხელშეკრულებაზე თანდართული პროექტის შესაბამისად, ხოლო შემსყიდველი კისრულობს

ვალდებულებას, მიიღოს შესრულებული სამუშაო და გადაიხადოს მისი ღირებულება ხელშეკრულებით გათვალისწინებული წესით.

3.2. შესყიდვის ობიექტის კლასიფიკატორის კოდი: 45400000.

3.3. შესასრულებელი სამუშაო(ები)/მასალების კონკრეტული დასახელება, განზომილება, რაოდენობა და ერთეულის ფასი განისაზღვრება სამუშაოს ხარჯთაღრიცხვის შესაბამისად (დანართი №1).

3.4. ხელშეკრულების საერთო ღირებულება შეადგენს _____ (_____) ლარს.

4. ხელშეკრულების შესრულების კონტროლი

4.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე;

4.2. შემსყიდველის მხრიდან ხელშეკრულების შესრულების კონტროლს ახორციელებენ (შემდგომში "ინსპექტირების ჯგუფი"): _____

4.3. ინსპექტირების ჯგუფის უფლებამოსილებაა:

4.3.1. გაუწიოს კონტროლი ხელშეკრულებით გათვალისწინებული შესრულებული სამუშაოს ვადების დაცვას;

4.3.2 კომპეტენციისა და შესაძლებლობების ფარგლებში დაადგინოს შესრულებული სამუშაოს შესაბამისობა ხელშეკრულებით გათვალისწინებულ მოთხოვნებთან;

5. სამუშაოს შესრულების ვადები

5.1. მიმწოდებელი ვალდებულია, სამუშაოს შესრულება განახორციელოს ხელშეკრულების გაფორმებიდან _____ დღის განმავლობაში

6. სამუშაოს მიღება-ჩაბარების წესი

6.1 მიმწოდებლის მიერ შესრულებული სამუშაო ჩაითვლება მიღებულად: მიღება-ჩაბარების აქტის გაფორმების და სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან საქართველოში აკრედიტებული შესაბამისი საექსპერტო ბიუროს მიერ გაცემული დადებითი დასკვნის წარმოდგენის საფუძველზე (საექსპერტო ორგანიზაციის ხარჯებს ანაზღაურებს მიმწოდებელი);

6.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს შესრულებული სამუშაოს აქტი და საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.3. მიღება-ჩაბარების აქტი დგება სამუშაოს (ან მისი ნაწილის) ყოველი მიწოდების დასრულების შემდეგ;

6.4. სამუშაოს მიღება და საბოლოო შემოწმება ხდება სამუშაოს შესრულების ადგილზე;

6.5. სამუშაოს (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7. ანგარიშსწორების პირობები და ვადები

7.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად შესრულებული სამუშაოს მოცულობის შესაბამისად, წარმოდგენილი მიღება-ჩაბარების აქტისა და საგადასახადო დოკუმენტაციის საფუძველზე, მიმწოდებლის საბანკო რეკვიზიტებზე;

7.2. შემსყიდველი უფლებამოსილია, ხოლო მიმწოდებელი თანახმაა ხელშეკრულების 10.3 პუნქტით დაკისრებული პირგასამტეხლოსა გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან;

7.3. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

8. საგარანტიო პირობები და ვადები

8.1. მიმწოდებელი იძლევა გარანტიას, რომ შესრულებული სამუშაო იქნება ხარისხიანი, საქართველოს კანონმდებლობით დადგენილი მოთხოვნებისა და შესაბამის სფეროში აღიარებული სტანდარტების შესატყვისი, სწორი ექსპლუატაციის პირობებში არ გამოავლენს დეფექტს და შეესაბამება სამუშაოს შესრულების ტექნიკურ პირობებს;

8.2. მიმწოდებელი იძლევა გარანტიას შესრულებულ სამუშაოზე, საგარანტიო პირობისა და ვადების შესაბამისად;

8.3. მიმწოდებელი ვალდებულია გონივრულ ვადაში განახორციელოს წარმოქმნილი დეფექტის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე;

9. ხელშეკრულების შეწყვეტა

9.1. ხელშეკრულება შეიძლება შეწყდეს:

9.1.1. მხარეთა წერილობითი შეთანხმებით;

9.1.2. ხელშეკრულების ვადის გასვლის გამო;

9.1.3. 9.2 პუნქტით გათვალისწინებულ შემთხვევებში.

9.2. შემსყიდველი უფლებამოსილია, ცალმხრივად (მთლიანად ან ნაწილობრივ შეწყვიტოს ხელშეკრულება, თუ:

9.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

9.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს ან როცა მიმწოდებელმა სამუშაოები არ დაიწყო ხელშეკრულებით განსაზღვრულ ვადაში ან/და აშკარაა, რომ ის ვერ შეასრულებს სამუშაოებს ხელშეკრულებით განსაზღვრულ ვადაში;

9.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული სამუშაოს შესრულებას;

9.2.4. მიმწოდებლის გაკოტრების შემთხვევაში;

10. მხარეთა პასუხისმგებლობა

10.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით;

10.2. მიმწოდებლის მიერ სამუშაოს შესრულების ვადებით გათვალისწინებული საბოლოო ვადის დარღვევის შემთხვევაში, შემსყიდველი უფლებამოსილია პირგასამტეხლოს სახით დააკისროს მიმწოდებელს მთლიანი სამუშაოს ღირებულების 0.02 პროცენტი ყოველი ვადაგადაცილებული დღისათვის;

10.3 ხელშეკრულებით ნაკისრი ვალდებულების/მომსახურების შეუსრულებლობის ან არაჯეროვანი შესრულების შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 2,0%-ის ოდენობით.

10.4 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველი უფლებამოსილია, ცალმხრივად შეწყვიტოს ხელშეკრულება და ხელშეკრულებით ნაკისრი ვალდებულებების შეუსრულებლობისათვის მიმწოდებელს დამატებით უპირობოდ დააკისროს პირგასამტეხლო სახელშეკრულებო თანხის 10% - ის ოდენობით.

10.5. მხარეები თავისუფლდებიან პასუხისმგებლობისაგან:

10.5.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით.

10.5.2. ის მხარე, რომელიც ხელშეკრულების 10.5.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში (არაუგვიანეს 10 დღისა) წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.

10.5.3. ხელშეკრულების 10.5.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

11. ფორს-მაჟორი

11.1. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ

გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, ხელშეკრულების მაქსიმალურად მოკლე ვადებში შესრულების მიზნით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. გამოყენებული სამართალი და განმხილველი სასამართლო

12.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12.2 მხარეთა შორის დავის შემთხვევაში, დავა უნდა გადაწყდეს მოლაპარაკების გზით. შეუთანხმებლობის შემთხვევაში დავას განიხილავს საქართველოს სასამართლო.

13. ხელშეკრულებაში ცვლილებების შეტანა

13.1. ხელშეკრულების დამდებ არც ერთ მხარეს არა აქვს უფლება, ცალმხრივად შეცვალოს ხელშეკრულების პირობები.

13.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ღირებულების 10%-ზე მეტი ოდენობით გაზრდა.

13.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

14. მხარეთა ვალდებულებები

14.1. „მიმწოდებელი“ ვალდებულია:

14.1.1. უზრუნველყოს მომსახურების გაწევა წინამდებარე ხელშეკრულების პირობების შესაბამისად;

14.1.2. დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

14.1.3. მოქმედი ნორმებისა და წესების სრული დაცვით უზრუნველყოს მომსახურების გაწევა და მისი დამთავრება დადგენილ ვადებში.

14.1.4. მომსახურების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

14.1.5. მიმწოდებელი ვალდებულია გაწიოს მომსახურება მაღალკვალიფიციურ დონეზე, ეთიკური და პროფესიული ნორმების დაცვით ქვეყანაში მოქმედი და აღიარებული სტანდარტების შესაბამისად.

14.1.6. მიმწოდებელი ვალდებულია ხარვეზის აღმოჩენის შემთხვევაში შემსყიდველის მითითების შესაბამისად, მის მიერ შესრულებულ სამუშაოში შეიტანოს შესაბამისი ცვლილება, შემსყიდველის მხრიდან რაიმე დამატებითი დანახარჯების გაწევის გარეშე, თუ ეს ცვლილება არ ეწინააღმდეგება შესაბამის სფეროში მოქმედ სტანდარტებს და არსებითად არ ზრდის შესასრულებელი სამუშაოს მოცულობას.

14.1.7. ხელშეკრულების მიმდინარეობისას პერიოდულად, შემსყიდველის მოთხოვნის საფუძველზე წარუდგინოს მომსახურების გაწევის შუალედური შესრულების ანგარიში (ფორმა #2,).

14.2. „შემსყიდველი“ ვალდებულია:

14.2.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

14.2.2. ხელშეკრულების მიმდინარეობისას აცნობოს მიმწოდებელს ყველა განსაკუთრებული გარემოებების წარმოშობის შესახებ;

14.2.3. უზრუნველყოს ანგარიშსწორება ხელშეკრულების პირობების შესაბამისად.

14.2.4. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

15. მხარეთა უფლებები

15.1. „მიმწოდებელს“ უფლება აქვს:

15.1.1. მოითხოვოს ანგარიშსწორების განხორციელება წინამდებარე ხელშეკრულებით დადგენილი წესის შესაბამისად;

15.2. „შემსყიდველს“ უფლება აქვს:

15.2.1. აწარმოოს გაწეული მომსახურების ხარისხის კონტროლი;

15.2.2. აწარმოოს შესრულებული მომსახურების ფინანსური და ორგანიზაციული მონიტორინგი.

16. ხელშეკრულების სხვა პირობები

16.1. ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;

16.2. მხარეები თანხმდებიან, რომ სატენდერო პირობები და წინამდებარე ხელშეკრულების დანართები, ხელშეკრულების განუყოფელი ნაწილია და სავალდებულოა შესასრულებლად;

16.3. მხარეები წინამდებარე შეთანხმებაზე ხელმოწერით ადასტურებენ, რომ მიმწოდებლისთვის ცნობილია შემსყიდველის განსაკუთრებული ინტერესი ვალდებულების დროული შესრულების მიმართ, ვინაიდან წინამდებარე ხელშეკრულებით გათვალისწინებული სამუშაოების განსაზღვრულ ვადაში დასრულება პირდაპირ დაკავშირებულია ახალი თეატრის გახსნასთან და სხვა სამართლებრივ ურთიერთობებში ნაკისრი ვალდებულებების პირნათლად შესრულებასთან.

16.4. მხარეები გამოთქვამენ მზადყოფნას განახორციელონ წინამდებარე ხელშეკრულებით გათვალისწინებული ვალდებულებები კეთილსინდისიერად და ყველა ძალა იხმარონ ნაკისრი ვალდებულებების სრულად და ჯეროვნად შესასრულებლად.

16.5. ხელშეკრულება შედგენილია ქართულ ენაზე, რომელიც მხარეების მიერ დადასტურებულია ელექტრონული ხელმოწერით ან/და კვალიფიციური ელექტრონული შტამპით.

17. ხელშეკრულების მოქმედების ვადა

17.1. ხელშეკრულება ძალაშია ხელმოწერისთანავე და მოქმედებს _____

18. იურიდიული მისამართები და საბანკო რეკვიზიტები

„შემსყიდველი“

სსიპ თბილისის ვასო აბაშიძის სახელობის მუსიკალური კომედიისა და დრამის
პროფესიული სახელმწიფო თეატრი

ს/კ - 201948928

ფაქტიური მის: დავით აღმაშენებლის გამზირი 182

იურიდიული მის: დავით აღმაშენებლის გამზირი 127

ტელ: 2357507

სამხატვრო ხელმძღვანელი/

დირექტორის მოვალეობის შემსრულებელი

დავით დოიაშვილი

„მიმწოდებელი“